



*Kamis, 03 September 2020*  
Ogen: Jeremia 31:23-26



**KU PEGEGEHI RAS KUBESURI**



**A**lah sada ciri kalak si sakit eme dagingna lanai ergegeh janah man pe la pet. Kai pe ihidangken ije la ia selera mansa erkiteken lit pinakit i bas daging kulana ntah pe ibas pikirena.

Enda me si terjadi i bas kegeluhen bangsa Juda tupung Nabi Jeremia mereken persinget kerna penghukumen ras perkuah Ate Dibata nandangi bangsa e, tupung bangsa Israel ringan I pembuangan Babel. Kenca bangsa Juda ibaba ku Babel, Nabi Jeremia nuliskan sada surat si jadi pergegeh man bangsa e, maka seh ka me paksana Dibata ngkelengi bangsana, iberekenNa me kegeluhen sidem alu kebayakan. Kuta-kutana pagi iingani mulihi, janah lit pagi ije perjuma, permakan ras biri-biri.

Kegeluhen ibas ingan pembuangan tuhu kegeluhen s idem alu kiniseran. Wari-wari bangsa e ibentasi alu aru ate, kekurangan, bagepe perasaan itadingken Tuhan. Tapi, nina Tuhan, seh me paksana, Tuhan memulihkan kegeluhen bangsaNa janah pemulihen Tuhan mereken gegeh, erbahanca besur bangsa e, subuk kerna pangan bagepe kerna kerina kinulin Tuhan. Enda padan si ibereken Tuhan man bangsaNa arah Nabi Jeremia, gelah terapul bangsana dengen semangat kegeluhenna amin genduari ia i pembuangan denga.

I bas kita ndalani perdalanan kegeluhenta banci jadi turah erbage-bage perbeben, persoalan, pinakit, kearun ate, emaka banci jadi kita la ergegeh, serba kekurangan, rsd. I bas situasi eme tuhu-tuhu labo lit gegeh si deban si banci nampati kita seakatan gegeh ras penampat bas Dibata nari. I bas kita ernalem man bana me si ndatken kepentaren, si angka ngaturken kerina si jadi i bas geluhta.

Si perlu gendauri i bas kita eme notoken gelah kerina keluarga tetap megegeh, ernalem man Tuhan ibas ngalaken perbeben kegeluhen.



[The main body of the page is a large, blank white area with a wavy top edge, intended for text or illustrations.]